

四庫明人文集叢刊

少室山房集

上海古籍出版社

四庫明人文集叢刊

少室山房集

(明) 胡應麟 撰

上海古籍出版社

滬新登字109號

四庫明人文集叢刊

· 少室山房集

(明)胡應麟 撰

上海古籍出版社出版

(上海瑞金二路272號)

上海發行所發行 上海古籍印刷廠印刷

開本787×1092 1/32 印張28.25 插頁4頁

1993年6月第1版 1993年6月第1次印刷

印數：001—300

ISBN 7-5325-1438-2

I · 717 定價：42.95 元

出版說明

《四庫全書》集部別集類收錄明代各個重要時期的二百三十二位作家的近三百種詩文集。現據文淵閣本全部匯編成《四庫明人文集叢刊》。

這套叢刊所收文集作者，既有蜚聲文壇的衆多著名文學家，也有活躍在政治、學術等領域的重要人物，他們的詩文集涉及到明代社會的各個方面，是研究明代的原始資料或重要參考書。《四庫全書》編修者為每種文集撰寫提要，評介作者、內容及版本等，亦有參考價值，今一併附載。又各冊頁碼前均有該冊在影印《文淵閣四庫全書》中的冊數，今不作改動。

上海古籍出版社

一九九一年五月

本册目次

少室山房集
附石羊生傳

明 明
王世貞 江湛 胡應麟
撰 撰 撰

.....
一

欽定四庫全書

集部

少室山房集卷一至四

詳校官編修臣翟槐

侍讀臣孫球覆勘

總校官庶吉士臣何思鈞

校對官中書臣王鍾泰

謄錄舉人臣劉禮

欽定四庫全書

集部六

少室山房集

別集類五 明

提要

欽定四庫全書

少室山房集

臣等謹案少室山房集一百二十卷明胡應麟撰應麟字元瑞更字明瑞蘭溪人萬厯丙子舉人嘗與李攀龍王世貞輩游其所作詩數類皆附合世貞藝苑卮言後之詆七子者遂并應麟而斥之然其詩文筆力鴻鬯又佐以雄博之才亦頗縱橫變化而不盡為風氣所囿當嘉隆之季學者惟以模仿剽竊為事而空疎侷陋皆所不免應麟獨能根抵羣籍發為文章雖頗傷冗雜而記誦淹博實亦一時之翹楚矣是編前有王世貞所撰石羊生傳稱應麟有寓燕還越計偕巖栖臥游抱勝三洞兩都蘭陰畸園諸集凡二十餘卷朱彝尊明詩綜內別載邯鄲華陽養疴婁江白榆

湖上青霞等集而無三洞崎園之名蓋應麟
在日諸集皆隨作隨刻別本單行世貞彙尊
各據所見故名有異同此集為萬厯戊午歙
人江湛然通判金華時所刊乃其合編之本
也乾隆四十三年五月恭校上

總纂官臣紀昀臣陸錫熊臣孫家鼐

總校官臣陸費墀

欽定四庫全書

少室山房集
提要

二

少室山房集原序

明興以帖括俳偶之文籠士士不復知有古文詞正嘉
以來搢紳先生始名古學蓋濫觴於北地而婁江新都
始暢其流焉當二子角峙海內如唐昌黎柳州士闡其
闕涉其階墀即可以傲晚當世況其服膺避席而不敢
與齒於當世又何如哉蘭溪胡明瑞以殆庶之安策熟
竹素於文無不工而尤工於韻語自漢魏流開元大厯
以還皆字摹句擬如循枝攬葉以探厥本根意得之餘
泯然與之合轍其致辯成都總總不倦余季幼清以為
忠告其然乎又何恠當世方聞博雅之士聞聲而色飛
望景響而股弁矣嘗一登婁江之堂婁江曰吾不能諱
獻吉昌穀輩之珎也融而超之于鱗庶幾焉後我而作
其在此子矣交新都新都曰成都博而不核也江左核
而未精博而核核而精宜莫如明瑞夫濟南之秀句婁
江之東野也江左之賅練新都之退之也若曰吾終身
所服膺在是餘子錄錄不復置齒牙矣一旦得明瑞而

欽定四庫全書

少室山房集
原序

一

遽躋之二君之上此寧可虛詞浮說相假借哉苞籀之富位置之高騁驚之弘放誠有以服其心折其喙如尹望邢而泣季咸見壺子而却走固不自知其如此也夫當明瑞罷公車脫塵鞅高卧蒼山靈洞之間目視雲漢非其人即貴倨弗友傲然以千古自命莊生有云談二子於戴晉人之前猶一呖也宣不然哉昔喻君邦相尹蘭江慕文明瑞相從於山顛水涯唱詠連日夕余心實向往之道視瑑茲土而明瑞已騎雲煙去我而游寥廓

欽定四庫全書

少室山房集

二

詰嗟乎蘭陰之間漱水之上高門華閤上第元僚指不勝僂矣其間道德功業昭垂於日月者殊不乏人而明瑞裏敝幘弄三寸柔翰直與爭不朽於穹壤天壽之於彼而昌之此於世正得失半也乃世或為明瑞扼腕一第夫唐以詩賦取士猶失之李杜況夫俳偶帖括之習又烏足籠吾明瑞哉史氏傳文苑要當置是子婁江新都間耳萬歷戊午中秋日新安江湛然書于金華郡齋

欽定四庫全書

少室山房集

三

少室山房集

石羊生傳 王世貞

胡元瑞者名應麟一字明瑞嘗自號少室山人已暮其鄉人皇初平叱石成羊事更號曰石羊生人亦曰元瑞殆非人間人也仙而謫者也遂呼之石羊生元瑞父曰按察公信母宋宜人按察公為行絕類萬石君而文藻過之所至好行陰德名位不甚稱以雲南按察副使歸今尚壯無恙元瑞為兒時肌體玉雪眉目郎秀五歲按

欽定四庫全書

少室山房集

察公口授之書輒成誦見客客使屬對輒工九齡從里社師日佔俾習經生業而心厭之俄患怯按察公篋得古文尚書周易國風雅頌檀弓左氏莊列屈原兩司馬杜甫諸家言讀之按察公竒其意弗禁也稍長遂能為歌詩藉藉傳里中而于經生業亦不廢十五補博士弟子員非其好也會按察公拜尚書禮部郎挾與俱渡錢塘過吳閭汎楊子北歷齊魯趙魏之墟至燕市而止所經錄吊古即事往往於詩歌發之而是時南海黎惟敬

歐損伯吳郡周公瑕吳興徐子與嘉禾戚希仲沈純父永嘉康裕卿先後抵燕發元瑞藏詩覽之咸嘖嘖折行請交至於琳宮梵宇高會雅集元瑞以齒坐末坐片語

一出無不恍然披靡自失也曰使用昔賢隸事奪席例吾曹無坐所矣臨淮小侯李惟寅慕元瑞甚使客襲而致之為上賓旬日不聽出惟寅用是亦以詩名而周宗正灌甫雅自負風雅有人倫之鑒貽元瑞三十韻首以北地信陽相屬元瑞益自信尋以按察公外除元瑞歸

欽定四庫全書

少室山房集

從母里中母患頭風甚劇元瑞委身醫藥間日夜扶持不休母頭風良愈而身過勞得清羸疾矣因跳匿金華山中而會大司空萬安朱公衡還過蘭谿朱公故從燕見元瑞詩而驚賞者至是發使山中蹤跡得元瑞以書要之而泊舟待三日元瑞感其意為長歌七百言以贈朱公公袖示督學使者滕君伯輪曰天下竒才也滕君輒超格擢受餽學宮且趣入試兩御史再試再為諸生千人冠已薦鄉書上公車報罷元瑞意殊不在一第其

所游從皆天下賢豪長者然所當心獨余兄弟與李觀察于鱗汪司馬伯玉吳參政明卿會于鱗死餘皆散雲不相及久之意邑邑不自得而余弟敬美與觀察公同年過蘭谿謂觀察吾欲就阿戎談當勝卿遂即元瑞劇語一夕皆申旦臨別眷眷不忍釋曰吾於詩獨畏于鱗耳已矣今庶幾得足下又曰幸與家中丞同世胡不一及門即卒然抱于鱗恨若何時余方謝客曇陽觀聞元瑞來喜不自勝力疾啟關與為十日飲間出所著少室

欽定四庫全書

少室山房集

三

山房詩余得而序焉所以屬元瑞甚重而用是頗有斷斷者余二人俱弗顧元瑞乃高卧山中不復就公車而蘭谿令喻邦相豪於詩與元瑞意合忘形爾汝嘗偕過趙學士山房偕和連日夕元瑞之卧山中凡六載而始上公車至都下遇張觀察助甫助甫余兄弟友也讀元瑞詩擊節曰二十年止此調矣元瑞亦奇助父詩契密無間且各自悵相遇晚試復罷歸時大司馬張公肖甫靖浙難過元瑞里元瑞避弗見張公謂接祭公公兒佳

甚故知之今難我得非以使者惠文嶽嶽耶為我致之錢塘請得具賓主禮元瑞乃強為錢塘謁張公果以上客客之會伯玉來湖上大將軍戚元敬系至伯玉數與元瑞相聞問把臂劇驪出元敬七絕句詫之曰大將軍健兒也乃能作文語不下沈太尉曹竟陵生亦能賦贈我乎元瑞援筆千餘言立就奇思滾滾既大將軍集相向嘆賞不置伯玉因曰我欲之海上訪王元美兄弟生復能從我乎元瑞曰吾心也遂同過弇州園伯玉道為

欽定四庫全書

少室山房集

四

少室山房集序其重不下余時偕元瑞至者伯玉弟仲淹仲嘉而張大司馬亦以內召跡伯玉而來尋先別去余兄弟與伯玉元瑞諸君積日游弇中甚樂也元瑞性孤介時時苦吟沉思不甚與客相當至其揮麈尾托藝支持論侃然尤慎于許可有莫生者躁而貪以品不登上中側目元瑞甚屬伯玉元敬游西湖故遍置坐客為開瑞元瑞夷然弗屑也及在弇仲淹被酒狎元瑞元瑞拒弗受客謂元瑞曩湖上之役胡以異茲元瑞徐曰莫

生者庸詎足校也仲淹司馬公介弟吾儕當愛之以德
獨奈何成人過耶客乃服元瑞自髻髻厭薄榮利餘子
女玉帛聲色狗馬服玩諸好一切泊然而獨其嗜書籍
自天性身先後所購經史子集四萬餘卷手鈔集錄幾
十之三分別部類大都如劉氏七畧而加詳密築室三
楹貯之黎惟敬大書其楹曰二酉山房而屬予為記旦
夕坐卧其間意愉如也恒自笑蠹魚去人意不遠又謂
我故識古人恨古人乃不識我其托尚如此好稱說前

欽定四庫全書

少室山房集

五

輩風節當怪其郡若梁劉孝標之介唐駱賓王之忠而
世僅僅以文士目之當由作史者盲於心故且史第知
有狄梁公宋廣平賢皆顛首而從周祿將以視賓王何
徑庭也上之采風使者蘇君禹君禹雅敬信元瑞趣下
其事賓王得以鄉賢祀郡城而孝標亦暴顯元瑞所著
詩有寓燕還越計偕巖棲卧游抱膝三洞兩都蘭陰畸
園等集二十餘卷詩數內編外編十二卷他撰述未行
世者有六經疑義二卷諸子折衷四卷史纂十卷筆叢

十卷皇明詩統三十卷皇明律範十二卷古樂府二卷
古韻考一卷二酉山房書目六卷交游紀畧二卷興玄
國志十卷酉陽續俎十卷隆萬新聞二卷隆萬禡聞四
卷駱侍御忠孝辨一卷補劉氏山棲志十二卷蒐輯諸
書有羣祖心印十卷方外遐音十卷考樂集十卷談劍
編二卷采真游二卷會心語二卷類萃諸書有經籍會
通四十卷圖書博攷十二卷諸子彙編六十卷虞初統
集五百卷蓋生平於筆硯未嘗斯須廢去元瑞壯未有

欽定四庫全書

少室山房集

六

子邇始舉二子戊子冬復以按察公命赴公車至瓜洲
而病病積久不愈慨然曰吾其殆乎謂余知應麟者唯
子幸及吾之身而傳我使我有後世後世有我也王子
曰元瑞年三十有八耳神清而意甚舒即偶犯霜露何
恙不已而慮至此也夫以元瑞之生僅三十年而著作
充斥乃爾過此以往所就當又何如耶元瑞於他文無
所不工績學稱是顧不以自多而所沾沾獨詩彼固有
所深造也元瑞才高而氣雄其詩鴻壘瓊麗迥絕無前

稍假以年將與日而化矣至勒成一家之言若所謂詩
數者則不啻遷史之上下千載而周密無漏勝之其刻
精則董狐氏韓非子也吾長於元瑞二紀餘姑為傳以
慰之且謂元瑞子後當竟傳我

欽定四庫全書

少室山房集卷一

明 胡應麟 撰

樂府十八首

擬大明鏡歌曲十八首

有序

夫鼓吹鏡歌之作聲自有熊所以象成功昭威美
凡聖王受天明命推陷廓清之烈非此亡以被諸
聲容粵自商周以征伐定天下一時播告之章勿

欽定四庫全書

少室山房集

可觀已漢鏡歌十八曲其辭迄今尚存雖文義謬
脫難以盡諧歌中之辭亦匪專為武功而設至味
其音節隱然發揚蹈厲之風視漢諸古詩優柔馴
厚者迴絕不倫則鏡歌所由作可知已兩漢而下
魏繆襲吳韋昭晉傅玄宋何承天唐柳宗元代相
擬襲趙宋無聞則皇明宋濂氏嘗追述之尋諸家
制作即風格詞藻未能抵掌西京一時可頌之績
固咸取以被諸樂章矣高皇帝提三尺起淮甸掃

邊塵而遏絕之大荒之外此其勲德巍巍論湯武即軒轅氏不無遜心獨鏡歌之作諸文章家往往缺焉間一二僅見而辭義寂寥音節迂緩未足以揄揚大造垂示無窮夫魏吳偏閭唐宋下衰繆韋何傳於騷壇未槩作者彼且黽勉步趨以自侈一時殊際焉明臣子目擊高皇帝震古無前之偉樹以安享二百禩之太平即草莽山林疇匪帝力而默然終身不能效一辭之贊甚非所以效康衢擊壤野老細人之義也應麟不敏呻吟佔畢餘二十年蠡海管天願測毫末謹按我聖祖發軔之初以迄於四方底定之日敘次其事為大明鏡歌曲一十八章誠知謏聞謗識上不足以鳴昭代之鴻庥下不足以驚西京之遐軌以較唐宋諸家庶幾近之綴屬既成不忍焚擲爰錄笥中附諸康衢擊壤之末異時鴻生碩彥製作迭興盛演歌辭登諸鼓吹俾聖神勲德永揚千秋此或為之嘯矢云爾

鏡歌本二十二曲其四曲亡魏吳所擬僅十二曲說者咸以十曲仍用舊名然其辭亦不復傳何也今止據存者十八曲擬之考諸家詞惟繆韋傳常被施用承天宗元輩率私作之以備異時采擇者而憑依名義流播迄今故敢竊取其例焉

黃河清

元至正末黃河清大聖啓運協符載闢宇宙為黃河清第一

黃河清聖人出應昌期誕至德著戎衣奮三尺靖四方建都邑干戈偃弧矢戰統九有主社稷神與鬼咸受職烽烟掃燭火熄維大明照中國萬千禩與天一

右黃河清二十句句三字

鳳之翔

高皇帝起濠上追王迹肇今名為鳳之翔第二

鳳之翔在濠梁義師起帝網張二十四將驅天狼兵鋒所指定四方薄海內外以莫不來王威加六合返舊疆

徵歌悉發諸兒郎復彼人民世世無有所與為我沐與
湯擊筑大風雲飛揚千秋萬歲樂未央

右鳳之翔十一句四句三字六句七字一句
九字一句十五字

攬羣雄

龍飛淮南豪傑景從得大將遠過春等二十

四人以一海內為攬羣雄第三

攬羣雄盜如蝟大聖握符起淮汭與神為謀蓄鋒銳提

欽定四庫全書

少室山房集

四

三尺劍驅海內驅海內攬羣雄真人出天下同四方六
合咸景從如風從虎雲從龍汎掃大漠如飛蓬扶桑曠
曠朝日紅驅海內攬羣雄

右攬羣雄十五句八句三字七句七字

克建業

師濟采石長驅金陵定皇畿繫萬國為克建

業第四

克建業定皇畿皇畿定舉義旗天兵百萬任所之東吳

南漢西蜀七閩六詔從風靡天下大定一戎衣

右克建業六句四句三字二句七字一句十

三字

發歸德

大駕東征首下寧越婺女之郊聖蹕駐馬為

發歸德第五

天兵十萬下東國婺以先寧駐皇蹕景星熒熒耀城邑

我戰則勝攻則克四海從風靡弗一勢如破竹烽燧息

欽定四庫全書

少室山房集

五

天命曷歸歸有德

右發歸德七句句七字

四友

兵入浙聘劉基宋濂等四人置帷幄中為四

友第六

於維文王是親四友疏附後先以翼元首哉哉高蹤異
代曷有天威是臨匍匐奔走猗與聖祖廣延羣雄如天
如海為萬物宗王師所向六合景從爰率車徒以定浙

東浙東底平大統未集蚤作暮思思布文德曰基曰瀛
曰琛曰溢玄纁奕奕交布東國曰四先生論道經邦坐
而弗名匡朕弗遑嗚呼盛節慶流無疆德六五帝功百
三王

右四友三十二句句四字

戰鄱陽

偽漢陳友諒率徒數十萬來抗高皇帝躬督
大將達遇春等鏖戰湖口滅之為戰鄱陽第

欽定四庫全書

少室山房集

七

明日大戰戰鄱陽簡師料徒百萬強烈風吹沙湖水揚
煙焰漲天焚大航三十六將死康郎再戰湖口殲餘皇
我舟膠沙敵尚強疾呼奮臂來衝撞鯨鯢蔽空雲日黃
拍江巨浪何茫茫如血鉅鹿尸昆陽維天命我明車輪
碎螳螂百矢定邊背若芒一矢貫睛諒死亡諒死亡理
出降威加四海莫不來王

右戰鄱陽十九句二句三字二句四字二句

五字十三句七字

盤門入

張士誠據姑蘇命將覆其巢兵不血刃為盤

門入第八

盤門人士誠泣前歌後舞大師集兵不血刃下城邑誰
其帥者公魏國歸市弗止塵弗易萬姓懽呼頌皇德二
敵既殲皇之土東極滄溟南亘楚長驅入中原孰敢余
阻

欽定四庫全書

少室山房集

七

右盤門八十句二句三字七句七字一句九

字

降谷珍

島夷首亂元末懾我大威束縛待命海口為

降谷珍第九

方谷珍起盜數乘元之亂竊據一方地如斗耗金幣大
官酒海上時時飛且走如鬼如蜮雞與狗大明當空燭
九有舉宗乞命竄海口帝憫其愚印加肘以較羣雄最

小醜

右降谷珍十一句四句三字六句七字一句
十一字

七閩

陳友定保閩粵師縛之為七閩第十

七閩保岩阻連亘皆山梁友定據其巢負固如金湯我
皇命將諭諭以開茅疆自謂故元臣負義不肯降王師
十萬下戈船逐長江兵入如破竹如虎吞羣羊委身繫
欽定四庫全書
少室山房集
卷一
八
尺組支體磔分張自謂故元臣守節甘喪亡大都以淪
覆誰為招國殤

右七閩十八句句五字

維中國

大將統六師北鄉儒臣濂諭檄中土華夏擴
清為維中國第十一

維中國帝王所自立櫓槍遍郊原天地黯無色天重開
地重闢扶桑熒熒日月出照八荒爛九域芟夷禍難四

海一神龍夾助正統集帝愍邊虞授中國詔下大將軍
達副將軍遇春提兵九十六萬戈鋌甲冑如浮雲命詞
臣濂草檄諭彼中華民長驅入河洛壺漿簞食來成羣

右維中國十六句五句三字三句五字四句
七字二句十一字一句十二字一句十三字
大都走

天兵入大都故元主棄社稷奔為大都走

第十二

欽定四庫全書

少室山房集
卷一
九

元都平四海清神鬼受職萬方庭列大藩置神京汛掃
烽烟混一區寓再造華夏開文明

右大都走六句四句三字一句七字一句十

五字

庫庫

元規復故都師擣之大戰於定西古城夷其

部落王保保絕塞遁為庫庫第十三

察罕起元末舉代推鷹揚天命去勝國剗刃爭戰場維

庫庫察罕子復良下益都伐洮陽驅兵出沒觀以望帝
三諭彌陸梁執囚我行人怒臂如螳螂命大將統武驍
北征隴右一戰搗具巢搗具巢萬騎突至如風颭賴傳
頤公却前茅兩軍就舍不得交夜分刳營足納一靴身
騎驕馬逃驕馬逃絕大漠我軍四十萬勝負互相角巨
網漏吞舟竟死著部落帝稱好男子維庫庫

右庫庫二十六句七句三字十句五字一句

六字四句七字二句八字一句九字一句十

欽定四庫全書

少室山房集

三字

昇面縛

蜀阻聲教璣論不從大兵入成都虜明氏母

子歸為昇面縛第十四

昇面縛出成都母子啞啞啼路途父旻玉珍一目枯貪

饕餮亡起雄圖不久身殉留遺孤大明區寓至化救屢

使遣諭如追遺曠兵悍將驕相扶驕相扶守瞿塘帝命

賴國公東甌王伐山通道開戰場直搗陷文潰腹心腹

心潰肝膽亡母子輿輓大道旁昇也肉袒仍牽羊侯以
歸義戒殺降高皇帝德洪虞唐唐高宋武如豺狼

右昇面縛二十一一句六句三字十四句七字一

句八字

北征

中夏略平分命諸上將耀兵沙漠朔庭一空

為北征第十五

明受命海宇一前元餘屬負固北庭保其定團結黨類

欽定四庫全書

少室山房集

以俟我覺隙為我子孫憑皇帝遐思勿姑息乃眷西顧

以北征桓桓大將統兵億萬犁具庭犁具庭心膽落單

于遁絕大漠

右北征十一句六句三字二句七字二句十

一字一句十四字

納噶楚

宋國公出塞俘降元將悉收其衆二十萬餘

人為納噶楚第十六